

Lekukoaren zain

Korrika igaro aurreko minutuetan, errepidea lekukoa hartzeko prest dauden taldez betetzen da

Arantxa Iraola / Tolosa

◀ **Tankera askotako taldeak hartzen dute Korrika orotan kilometroren bat egiteko ardura. Kilometroa diruz ordaindu, eta ondoren hitzartutako ordu eta egunean errepide ertzeratzen dira, Korrikako lekukoa hartu eta lasterka eginez euskararen alde duten konpromisoaren berri ematera. Beraiek dira Korrikaren eragile nagusiak, eta horregatik atzo Tolosan, galdezka hurbildu gintzaizkien.**

JENDEZ gainezka zegoen atzo eguerdian Tolosa, Korrika herrian barna baitzebilan. Triangulo plazaren parean justu lasterketaren 1.198. kilometroak igaro behar zuen, eta hantxe ertzean,

urduri antzean Izaskun eta Miren zeuden beste adiskide batzuekin batera. «Udaberri dantza taldeko kideak gara», zioten, eta aipatu kilometroa beraiena zen, taldeak propio erositakoa. «Taldeko jendea borondatea eskatu zitzaion kilometro bat erosteko», azaldu ziguten. Bildutako diruarekin kilometroa erosi zuten Tolosako dantzariak -40.000 pezeta balio du-. «Gaur, ordea, askok ezin izan dute etorri», gaineratu zuten, astegun buruzuria dela gogora ekarriz.

Aditzera eman zuten, ez da taldeak erosketa hori egiten duen lehenengo aldia. «Duela bi urte ere aurreko Korrika egin zenean, kilometro bat erosi zuen dantza taldeak», azaldu zuten. Jada hori kontatzen ari zirenean Izaskunek eta Mirenek ez zuten solaserako asti handi-

rik. Korrika 1.198. kilometrotik geroz eta hurbilago zegoen. Gertu, oso gertu entzuten ziren jendearen oihu eta euskararen aldeko leloak. Lekukoa hartzeko unea hurbil zen. «Nork eramango du?», galdetu genien, eta erabakia taldean ordurako aski ongi hartua zutela azaldu zuten. «Biok eramango dugu», esan zuten, bata zein besteak zeregin hori estraineko aldiz egingo zutela gaineratuz. Ondo bete zuten egin beharrekoa. Korrikako lekukoa aurreko eramailearen eskueetatik hartu, hura instant batean agurtu eta lasterka bizian jardun zuten bi neskok kilometro osoan zehar hurrengo lekukoaren parera iritsi arte.

Sarri askotan txikitxoak izaten dira oso lekuko eramaileak. Euskal Herri osoko ikastetxeak buru-belarri

murgiltzen dira Korrikan, eta, ondorioz, maiz suertatzen zaie umetxoei lekukoa eramatea. Fin betetzen dute beraien lana. Atzo ere Gipuzkoan hainbat ikastetxetako ikasleei suertatu zitzairen, lekukoa esku artean, kilometroren bat egitea.

Izaten dira, halaber, guztien artean, ez ume, ez nagusi, arrunt bitxiak diren lekuko eramaileak. Astearte ilu-

nabarrean, esaterako, Nafarroako iparraldean ibili zen Korrika, eta Ituren eta Doneztebe artean hartzez moztururiko pertsona batek eraman zuen lekukoa. Mitologiaren aztarnetatik dator hartza Malerrekan, eta korrikalari zein ikusleek biziki txalotu zuten lekuko eramaile berezia. Itxurak ez baitu garrantzirik. Lekukoa tinko, aurrera egitea da kontua.

Irillidea



Murua	08:00	Eslarra	20:02
Gopegi	08:08	Gasteiz	20:16
Zaitegi	08:50	Abetxuko	22:42
Mungia	09:34	Minano	23:30
Alhabe	10:12	Leku	23:51
Amurrio	11:52	Urduña	24:50
Sarriena	12:47	Legutio	00:23
Urduña	12:56	Oibar	01:21
Gauri	14:18	Zeamuri	03:02
Ibañeta	14:44	Areatza	03:21
Abantzu	15:02	Alea	03:36
Kuartango	15:17	Abantzu	03:56
Tortosa	15:43	Igorre	04:05
Eibarri-Kuartango	15:57	Leizor	04:36
Zuhatu	16:03	Berba	04:56
Subijana	16:38	Usuesola	05:09
Pobes	16:51	Galdakao	05:28
Amuzia	16:57	Eibarri	06:19
Villaluenga	17:23	Basauri	06:25
Tuyo	17:30	San Migel	06:50
Agintzun	17:50	Arrigorriaga	07:22
Langratx	18:49	Ugao	07:50
Mendocza	19:42		



GARI GARAIALDE

Haur bat atzo Adunan, Korrika iritsi aurretik lekukoa hartzeko prest.